

आकाशवाणी

1. प्रधानमंत्री नरेंद्र मोदी होरें लोकें गी अपील कीती ऐ जे ओह् औने आहले त्यौहारें गी स्वदेशी उत्पादें कन्नै मनान तां जे नौजोआनें उद्यमिणं दे सुपने गी पंख थोई सकन।
2. आकाशवाणी प्राइम पर 'मन की बात' कार्यक्रम राहें प्रधानमंत्री होरें लोकें गी गांधी जयंती दे मौके वोकल फॉर लोकल मुहिम गी मजबूत बनाने आस्तै खादी उत्पाद खरीदने दी अपील कीती।
3. प्रधानमंत्री होरें 2 नौसेना अधिकारिणं दी उपलब्धि दी सराहना कीती, उनें आखेआ जे इंदी सफलता देश दे नौजोआनें, खासकरिए कुड़िणं गी प्रेरित करदी रौहग।
4. तमिलनाडू च टी.वी.के राजनीतिक दल दे महासचिव ते दुए 4 जनें खिलाफ करूर भगदड़ वारदात दे सरबंध च मामला दर्ज।
5. विदेश मामलें दे मंत्री डॉ. एस. जयशंकर होरें आखेआ ऐ जे भारत म्हेशा गै वैश्विक किराए दे बाददे ते बजारें तोड़ी पुज्ज गी लेइयै यक्को-तक्की दे बश्कार अपने स्हाबै अपनी मर्जी दी आजादी गी कायम रक्खोग।
6. ते क्रिकेट च एशिया कप फाइनल च अज्ज संझा भारत दा मुकाबला पाकिस्तान कन्नै होग।

<><><><><><>

PM-MKB

प्रधानमंत्री नरेंद्र मोदी होरें लोकें थमां वोकल फॉर लोकल यानि मुकामी उत्पादें गी खरीदने आहले मंत्र गी चेता रखदे होई औंदे त्यौहारें दे मौसम गी स्वदेशी उत्पादें दे कन्नै मनाने दी अपील कीती। आकाशवाणी पर प्रसारित "मन की बात" कार्यक्रम दी 126मीं कड़ी च उनें आखेआ जे औंदे दिनें च केई सारे त्यौहार न ते जीएसटी बचत उत्सव बी चला'रदा ऐ। उनें आखेआ जे स्वदेशी उत्पादें गी खरीदने कन्नै परौआर च ते खुशी होग गै कारीगरें दी मेहनत दा बी सम्मान होग। औंदी गांधी जयंती बारै गल्ल करदे होई प्रधानमंत्री नरेंद्र मोदी होरें जोर देइऐ आखेआ जे असेंगी स्वदेशी ते खादी उत्पादें गी अपनाना लोड़चदा। उनें आखेआ जे हर कुसै गी 2 अक्तूबर गी खादी उत्पाद खरीना लोड़चदा ते इसी वोकल फॉर लोकल हैशटैग कन्नै सोशल मीडिया पर सांझा

करना लोड़चदा। प्रधानमंत्री होरें नौसेना दी 2 बहादुर अधिकारिं दी उपलब्धि गी चर्चा कीती। ओह नाविका सागर परिक्रमा दुरान 8 महीने तगर समुंद्र च रेइयां। उनें आखेआ जे लेफ्टिनेंट कमांडर दिलाना ते रूपा होरें इस परिक्रमा गी इक यादगार मौका दस्सेआ। इनें दौनें अधिकारिं त्रै बरे तगर नौवहन थमां लेइयै आपात स्थिति च संवाद कायम करने आहले उपकरणें गी चलाने दी तैयार कीती। प्रधानमंत्री होरें मेद जाहिर कीती जे उंदी सख्त मेहनत, सफलता ते उपलब्धि औने आहली पीढ़िं गी प्रेरित करोग, खास करी मुख्य दी कुड़िं गी। प्रधानमंत्री होरें इस गल्ला पर खुशी जाहिर कीती जे हुन छठ पूजा इक वैश्विक उत्सव च बदला'रदा ऐ। उनें आखेआ जे सरकार छठ महापर्व गी यूनेस्को दी सांस्कृतिक धरोहर सूची च शामिल करने दे जत्न करा करदी ऐ। प्रधानमंत्री नरेंद्र मोदी होरें 'मन की बात' दी 126मीं कड़ी च स्वतंत्रता सेनानी भगत सिंह ते गायक लता मंगेशकर होरें'गी बी चेता कीता। प्रधानमंत्री नरेंद्र मोदी होरें खुशी जाहिर कीती जे हथखंडी ते हस्तकला क्षेत्र च बड़ा मता बदलाव होआ'रदा ऐ। प्रधानमंत्री होरें झारखंड दे आशीर्ष सत्यव्रत साहू दी बी चर्चा कीती जिनें जोहार ग्राम ब्रांड कन्नै आदिवासी बुनाई ते कपड़ें गी इक वैश्विक पंछान दिती। प्रधानमंत्री होरें आखेआ जे औने आहले दिनें च अस विजयदशमी दा त्यौहार मनागे। उनें आखेआ जे इस बरे विजयदशमी दा त्यौहार इक होर वजह करी खास ऐ कीजे राश्ट्री स्वयंसेवक संघ दी स्थापना दे इस दिन 100 बरे पूरे होआ करदे न।

<><><><><><>

Seva Parv

मुख्य भरै च औंदी 2 अक्टूबर तोड़ी मनाई जा'रदी "सेवा पर्व" पैहलकदमी तैहत अज्ज अस तुसेंगी दस्सगे जे किस चाल्ली मोदी सरकार नै प्रधानमंत्री जन धन योजना राहें माली समावेशन गी बढ़ावा दिता ऐ। 2014 च शुरू कीती गेदी एह योजना दुनिया भरै च अपनी किस्में दी सब्बनें शा बड़्डी पहलकदमियें चा इक बनी गई ऐ। मौजूदा समें च इस योजना तैहत 56 करोड़ शा मते खाते खोले गेदे न, जिंदे चा 67 फीसद ग्रामीण ते अर्ध शैहरी इलाके दे लाभार्थियें दे न ते 56 फीसद खाते महिलाएं दे न। एह योजना लोके गी सशक्त बनाने ते पूरे मुख्यें च समावेशी, डिजिटल ते बरोबर विकास गी बढ़ावा देने दा कम्म करा'रदी ऐ।

<><><><><><>

Tamil Nadu Death Toll

तमिलनाडू दी करूर च कल मची दी नस्सभज्ज आहली घटना च मरोने आहलें दी गिनतरी बधियै 40 तोड़ी पुज्जी गेई ऐ जिसले जे 81 कोला मते घायल लोकें दा इलाज बक्ख-बक्ख अस्पतालें च चलै करदा ऐ ते 2 दी हालत नाजुक ऐ ते वेंटीलेटर पर न। प्रधानमंत्री नरेंद्र मोदी होरें मरने आहलें दे परिवार जनें आस्ते 2 लक्ख रपे दा मुआवजा प्रधानमंत्री राहत फंड थमां जारी कीता ऐ। घायलें गी 50 जहार रपे दिते जाडन। तमिलगा वेतरी कजहागम दे संस्थापक विजय होरें सौगी परोआरें आस्तै 20 लक्ख रपे दी माली मदद दिती कीती ऐ। तमिलनाडू दे डीजीपी जी वेंकटारमन होरें आखेआ ऐ जे टीवीके पार्टी दे सचिव एन. आनंद ते दुए 4 जनें खिलाफ भगदड़ दी वारदात दे सिलसिले च मामला दर्ज कीता गेआ ऐ। तमिलनाडू दे मुखमंत्री एम.के स्टालिन होरें मरोने आहलें दे परिवार आहलें लेई 10-10 लक्ख रपे दी सहायता दी घोशणा कीती ऐ। एहदे अलावा जिनें लोकें दा आई.सी.यू च इलाज चलै करदा ऐ, उनेंगी इलाज लेई 1 लक्ख रपे दी सहायता दिती जाहग। मुखमंत्री होरें हादसे दी जांच लेई हाई कोर्ट दी रिटायर्ड जज अरुणा जगदीशन हुंदी अध्यक्षता च इक मिम्बरी जांच कमीशन खडेरने दी घोशणा कीती ऐ। एह नस्सभज्ज इक रैली दरान मची ही जेहड़ी मशहूर अभिनेता ते राजनेता विजय आसेआ आयोजित कीती गेई ही।

<><><><><><>

GST-Electronics

नमीं पीढ़ी दे जीएसटी सुधारें तैहत केन्द्र सरकारै केई सारी चीजें पर टैक्स दी दरें गी घट्ट कीता ऐ ते इंदे च उपभोक्ताएं दे इस्तेमाल आहिलियां चीजां ते गड्डियां वगैरा बी मुख तौर पर शामिल न। जंदी 22 सितम्बर थमां घरें च इस्तेमाल होने आहली इलैक्ट्रानिक चीजें जि'आं एयर कंडिशनरें, डिश वाशरें ते बड्डी स्क्रीन आहले एलईडी टेलीविजनें पर जीएसटी दी दर गी 28 फीसद शा घटाइयै 18 फीसद करी दिता गेआ ऐ। इस्सै चाल्ली 350 सीसी तगर दे इंजन दी समर्थ आहले दो-पहिया वाहनें सने 1200 सीसी शा हेठली समर्थ दिएं लौहकी पेट्रोल कारें पर जीएसटी दी दर गी घटाइयै 18 फीसद कीता गेआ ऐ। इस गेंह दा मकसद एकड़ी चीजें गी मता किफायती ते पुज्जत आहला बनाना ऐ।

<><><><><><>

Russia India UNSC Seat

रूस नै संयुक्त राष्ट्र सुरक्षा परिषद च भारत दी स्थाई सदस्यता दा इक बारी परति ए समर्थन कीता ऐ। संयुक्त राष्ट्र महासभा दे 80में इजलास च रूस दे विदेश मंत्री सर्गेई लावरोव होरें वैश्विक स्थितिं गी ध्यानै च रखदे होई सुरक्षा परिषद च सुधार दी जरूता पर जोर पाया। उनें आखेआ जे सुरक्षा परिषद च एशिया, अफ्रीका ते लैटिन अमरीका थमां प्रतिनिधित्व बदाने आसतै ब्राजील ते रूस भारत दी स्थाई सदस्यता दा रूस समर्थन करदा ऐ। एहदे कन्ने गै रूस संयुक्त राष्ट्र सुरक्षा परिषद दा इकमात्र स्थाई सदस्य बनी गेआ ऐ जिन्ने स्थाई सदस्यता आसतै भारत दा समर्थन कीता ऐ।

<><><><><><>

EAM

विदेश मंत्री डॉ. एस जयशंकर होरें आखेआ ऐ जे भारत दे कोल इक ऐसा गोआंडी मुख्य ऐ जेड़ा वैश्विक आतंकवाद दा केंद्र ऐ ते भारत नै आजादी मगरा गै आतंकवाद आहली चुनौती दा सामना कीता ऐ। संयुक्त राष्ट्र महासभा दे 80में इजलास गी संबोधित करदे होई डॉ. एस. जयशंकर होरें इस गल्ला पर जोर दिता जे दहाके थमां दुनिया च होए दे बड़डे आतंकवादी हमले दियां जड़ां उस्सै इक मुख्य कन्ने जुड़दियां रेइयां न। उनें आखेआ जे संयुक्त राष्ट्र दी आतंकवादिएं दी सूचि च ओदे नागरिक शामिल न। विदेश मंत्री होरें इस बरे अप्रैल च होए दे पहलगाम आतंकवादी हमले दा बी जिक्र कीता जेदे च बेदोसे सैलानिएं दी हत्या करी दिती गई ही। उनें आखेआ जे भारत नै आतंकवाद खलाफ अपने लोकें दी राखी आसतै अपने अधिकार दा इस्तेमाल कोला ते अपराधिं गी कटघरे च खड़ा कीता। डॉ. जयशंकर होरें एह बी आखेआ जे संयुक्त राष्ट्र इस्सलै संकट दी स्थिति च ऐ। उनें आखेआ जे सुधारें दा बरोध संयुक्त राष्ट्र दी विश्वसनीयता घट्ट होने दी मुख्य वजह रेई ऐ। उनें परिषद दी स्थाई ते अस्थाई दौनें सदस्यता दे विस्तार दा आह्वान कीता।

<><><><><><>

Chhatisgarh-

छत्तीसगढ़ च, कांकेर जिले दे तिरियारपानी दे जंगलें च सुरक्षाबलें कन्ने टाकरे च इक्क महिला मतेत त्रै माओवादी मारे गए न। इनें माओवादियों पर कुल 14 लक्ख रुपे दा इनाम रक्खेआ गेदा हा। मारे गेदे माओवादियों दी लोथां बरामद करी लैतियां गेइयां न।

सुरक्षाबलें घटनास्थल थमां इक्क एस.एल.आर, इक राइफल, इक 12 बोर दी बंदूक ते होर माओवादी सामग्री बरामद कीती ऐ। पुलिस अधीक्षक आई. कल्याण एलेसेला होरें दस्सेआ जे जिला रिजर्व गार्ड दी टीम नै छिंदखड़क ते तिरियारपानी ग्राएं च 7 थमां 8 माओवादियों दी मौजूदगी दी खुफिया सूह दे आधार पर तपाशी अभियान रम्भेआ हा। एहदे बाद माओवादियों सुरक्षाबलें पर गोलीबारी शुरू करी दिती जेदे परते च सुरक्षाबलें जवाबी कार्रवाई कीती। मारे गेदे माओवादियों च सीतांडी-नगरी एरिया कमेटी दा सचिव श्रवण मड़कम उर्फ विश्वनाथ बी शामिल ऐ। औहदे पर 8 लाख रुपे दा ईनाम रक्खेआ गेदा हा।

<><><><><><>

LG-Summon

जम्मू-कश्मीर दे लेफ्टिनेंट गवर्नर मनोज सिन्हा होरें जम्मू-कश्मीर विधानसभा दी बैठक 23 अक्टूबर 2025 गी बड़डलै 10 बजे श्रीनगर च सद्दी ऐ। जम्मू-कश्मीर विधानसभा दे सचिव हुंदे आसेआ जारी एह नोटिस जम्मू-कश्मीर पुनर्गठन कन्नून, 2019 दी धारा 8 (1) दी पालमा करदा ऐ। सब्बने मिम्बरें गी गुजारिश कीती जंदी ऐ जे ओह जम्मू-कश्मीर विधानसभा च प्रक्रिया ते कम्मकाज सरबन्धी नियमें दे नियम 3 मताबक इस सत्र च हिस्सा लैन।

<><><><><><>

Asia Cup

एशिया कप टी-20 क्रिकेट दे फाइनल च अज्ज भारत दा मुकाबला पाकिस्तान कन्नै होगं एह मैच भारती समें मूजब रातीं 8 बजे शुरू होग। एह मैच दुबई च खेडेआ जाग। एशि कप दे 41 बरें दे इतिहास च एह पैहला मौका होग जिसलै दवें टीमां फाइनल खेडडन। भारत हुनै तगर 8 बारी एशिया कप दा खिताब अपने नांस करी चुके दा ऐ। इस बारी प्रतियोगिता च दवें टीमां त्रीस बारी आमने-सामने होडन।

<><><><><><>

Cricket BCCI President

साबका दिल्ली दे कप्तान मिथुन मन्हास जेड़े गै जम्मू-कश्मीर कन्नै ताल्लुक रखदे न, होरें गी बोर्ड ऑफ कंट्रोल फॉर क्रिकेट इन इंडिया-बीसीसीआई दे नमें प्रधान दे तौर पर चुनेआ गेआ ऐ। मन्हास होर बोर्ड दे 37में प्रधान होंगन जिनें रोजर बिन्नी हुंदी

थाहर लैती ऐ। रोज बिन्नी होर 70 बरें दे होने परैंत पिछले म्हीने सेवानिवृत्त होई गए हे।

<><><><><><>

IMD

भारती मौसम विभाग नै कोंकण, मध्य महाराष्ट्र ते गुजरात च अगले 3 थमां 4 दिनें तोड़ी खरी कोला खरी मती बरखा पौने दी मेद जताई ऐ। पच्छम विदर्भ ते कन्नै लगदे उत्तर मध्य महाराष्ट्र च घट्ट दबा दे चलदे मुम्बई, उत्तर मध्य महाराष्ट्र ते दक्खन गुजरात च बी बरखा पेई सकदी ऐ। तटीय कर्नाटक, पूर्वी राजस्थान, केरल, महे, मराठवाड़ा, उत्तर मध्यी कर्नाटक, तमिलनाडू, पुडुचेरी, कराईकल, तेलंगाना, विदर्भ ते पच्छमी मध्य प्रदेश च अगले महीने दी पहली तरीक तोड़ी किश-किश थाहरें पर बरखा होग।

<><><><><><>

HP Cold Desert

हिमाचल प्रदेश स्थित सर्द रेगीस्तान जैवमंडल रिजर्व गी यूनेस्को दे विश्व जैवमंडल रिजर्व नेटवर्क च शामिल करी लैता गेआ ऐ। चीन दे हांगजाउ च आयोजित विश्व वायोस्फीयर रिजर्व कांग्रेस च एह घोशणा कीती गई एहदे च सतत विकास दे इक माडल दे तौर पर इस क्षेत्र दे महत्व गी रेखांकित कीता गेआ। एह बायोस्फेयर रिजर्व भारत दे पच्छमी हिमालय च लगभग 7 जहार 700 मुरब्बा किलोमीटर च फैले दा ऐ। इसी बरे 2009 च पैहली बारी राश्ट्री वायोस्फीयर रिजर्व घोषित कीता गेआ।

<><><><><><>

World Para Athletics

विश्व पैरा एथलेटिक्स प्रतियोगिता च नमी दिल्ली च भारत दे शैलेश कुमार नै मुख्य आस्तै पैहला सुन्ने दा तगमा जितेआ। बिहार दे शैलेश नै इक अशारिया 9-1 मीटर दी उच्ची छाल मारिए सुन्ने दा तगमा जितेआ। एहदे कन्नै गै उनें इक नमा चैंपियनशिप ते एशियाई रिकार्ड बनाया ते अपना अजं तगर दा बेहतरीन प्रदर्शन कीता। इससै मुकाबले च भारत दे वरुण सिंह भाटी नै कैंs दा तगमा जितेआ। भारती ट्रैक एथलीटें बी शानदार प्रदर्शन कीता। दीप्ति जीवनजी नै महिलाएं दे 400 मीटर

मुकाबलेबाजी च 55 अशारिया 1-6 सैकंड दा समां लेइए चांदी दा तगमा अपने नांs कीता।

<><><><><><>

SAAF-U 17

कोलंबो च SAFF U-17 फुटबॉल प्रतियोगिता च भारत नै पेनल्टी शूटआउट च बांगलादेश गी 4-1 कन्नै हराइए 7मीं बारी खिताब जिती लैता ऐ। भारत Hald fime तगर 2-1 कन्नै अग्गे हा पर बांगलादेश नै अखीरले मिनट च गोल करदे होई स्कोर गी 2-2 कन्नै बरोबर करी दिता।

<><><><><><>